

Sa pensione ch'est semper prus atesu

S'art. 24 de su Decretu Leze n. 201 de su 06.12.2011, mudadu in Leze, sa n. 214, su 22.12.2011 at cambiadu de su totu sas règulas pro pigare sa pensione e finas su sistema de càrculu.

Sas novas de prus importu pro su chi pertocat sas pensiones sunt sas sighentes:

- 1) Dae su 01.01.2012 pro totu sos traballadores, finas pro cussos chi a su 31.12.1995 aiant un'anzianidade contributiva de nessi 18 annos s'impreat su sistema de càrculu contributivu.
- 2) A fagher decursu dae su 01.01.2012, non b'at prus sa pensione de antzianidade (contributos-edade-cuota) e totus cussas iscadènzias transidas a pustis o ventanas.
- 3) Dae su 01.01.2012 b'at cunditzones noas de edade pro sa pensione de betzesa comente est inditadu in sa tabella sighente:

Annos	Traballadoras dipendentes (setore privadu)	Traballadoras autònomas e iscritas a sa Zestione Separada	Traballadores dipendentes (privadu e pùbblicu) Traballadoras dipendentes (setore pùbblicu)	Traballadores autònomos e iscritos a sa Zestione Separada
2012	62 annos	63 annos e 6 meses	66 annos	66 annos
2014	63 annos e 6 meses	64 annos e 6 meses	66 annos	66 annos
2016	65 annos	65 annos e 6 meses	66 annos	66 annos
2018	66 annos	66 annos	66 annos	66 annos

B'at sa possibilidade de pigare sa pensione de betzesa a 64 annos petzi pro custos traballadores:

- Traballadores dipendentes (òmines e fèminas) de su setore privadu chi ant 35 annos de contributos e cuota 96 (s'edade prus sos contributos) a su 31.12.2012;
 - Traballadoras dipendentes de su setore privadu chi ant 20 annos de contributos e 60 annos a su 31.12.2012.
- 4) Dae su 01.01.2012 b'at una zenia noa de pensione chi si narat **pensione antitzipada**. Pro leare custa pensione bi chereant custas **cunditzones contributivas**:

Annos	ÒMINES	FÈMINAS
2012	42 annos + 1 mese	41 annos + 1 mese
2013	42 annos + 2 meses	41 annos + 2 meses
2014	42 annos + 3 meses	41 annos + 3 meses

Sas pessones chi pigant sa pensione antitzipata in antis de sos 62 annos ant a àere una penalidade pro sa parte de pensione relativa a s'antzianidade contributiva balanzada in antis de su 01.01.2012.

Sas cunditzones betzas balent galu pro sos traballadores chi las aiant zai su 31.12.2011, pro sas traballadoras chi isseberant su sistema contributivu e, cunforme a su dinare chi su Governu at a pònere pro sos annos dae su 2013 a su 2019, finas pro chie fiat autorizadu a sos bersamentos boluntàrios in antis de su 31.10.2011 e a sos chi sunt in mobilitade. In prus ant cunfirmadu sos benefitzios pensionìsticos (tres annos de mancu) pro sos chi faghent traballos matanosos e pesantes meda (cussos chi si narant traballos usurantes); pro custos si sighint a impreare sas cuotas e sas iscadènzias cunforme a sas règulas chi bi fiant a su 31.12.2011.

Custa normativa noa at a mudare de su totu sos càrculos e sos contos fatos segundu sas normas betzas. Chie est interessadu duncas podet cuntatare sos impiegados de s'ufitziu provintziale de su Patronadu ENAPA o de sos ufizios zonales pro averguare sa positzione contributiva e sas iscadèntzias noas.